



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
26 SEPTEMBER 2018 (RABU)

AKHBAR

MUKA SURAT

Utusan Malaysia

- Penduduk bantah MPAJ roboh penghadang 57

Harian Metro

- MPAJ 'borong' barang penjaja 73



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
 MENARA MPAJ, JALAN PANDAN UTAMA,
 PANDAN INDAH, SELANGOR,
 55100 KUALA LUMPUR

KERATAN AKHBAR 26 SEPTEMBER 2018 (RABU)	
Akhbar	Utusan Malaysia
Tajuk Berita	Penduduk bantah MPAJ roboh penghadang
Muka Surat	57

UTUSAN KOTA 57

PENDUDUK membantah tindakan MPAJ mahu meroboh penghalang laluan yang dibina untuk menghalang kemasukan jentera berat di Jalan UB 2A Ukay Bistari, Ampang, Selangor, baru-baru ini.

Penduduk bantah MPAJ roboh penghadang

UK 26/9/18
 MS 57

AMPANG 25 Sept. - Sebanyak 200 penduduk di Taman Ukay Bistari di sini membantah tindakan Majlis Perbandaran Ampang Jaya (MPAJ) mahu meroboh halangan yang dibina bagi menyekat kenderaan berat memasuki kawasan perumahan berkenaan.

Pengerusi Persatuan Penduduk, Ghazali Mohamad berkata, tindakan merobohkan penghadang itu akan membenarkan lebih banyak kenderaan masuk dan mengganggu kesesakan lalu lintas di taman berkenaan selain membahayakan kanak-kanak.

"Penghadang yang dibina oleh penduduk sejak setahun lalu bertujuan menghalang lori daripada melalui kawasan perumahan ini kerana jalan yang sedia ada terlalu sempit dan sibuk dengan kenderaan penduduk.

"Surat bantahan yang mengandungi tandatangan penduduk taman telah dihantar kepada pihak MPAJ, namun semua itu sia-sia.

"Sekarang mereka mahu merobohkan penghadang kami pula," katanya kepada pemberita dalam majlis bantahan yang turut dihadiri Ahli Dewan Undangan Negeri (ADUN) Hulu Klang, Saari Sungip hari ini.

Sementara itu, seorang

Kee, 43, berkata, bantahan mengenai pembinaan jalan ke kondominium sebelum itu telah dibincang dengan pihak MPAJ dan mereka bersetuju untuk tidak menggunakan jalan UB2A ini sewenang-wenangnya.

"Pihak MPAJ telah berjanji untuk menyediakan laluan alternatif kepada penduduk di kondominium berhampiran tetapi pembinaan jalan berkenaan tetap diteruskan sehingga selesai," ujarnya.

Dalam perkembangan sama, Saari Sungip berkata, pihaknya mahu MPAJ memberikan penjelasan mengenai perkara itu sama ada penyelesaian dibuat dengan melebarkan jalan di kawasan tersebut atau tidak merobohkan penghadang jalan itu.

"Saya sedia menjadi orang tengah dalam perundingan antara pihak MPAJ dan penduduk di sini bagi mencari jalan penyelesaian yang akan memberi kemenangan kepada kedua-dua pihak," katanya.

Sedia Didiami
 Rumah Teres 2 Tingkat
 22' x 65'

- Pegangan Bebas • Komuniti Berpengawal
- Skim Ansuran Deposit dengan 0% Faedah* *Tertakluk kepada terma dan syarat

Titiran: Tejas Bhd (681630-D)
 1999-2020 © UJM LAND



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 26 SEPTEMBER 2018 (RABU)	
Akhbar	Harian Metro
Tajuk Berita	MPAJ 'borong' barang penjaja
Muka Surat	73

"Pemeriksaan mendapati semua peniaga berkenaan tidak mempunyai lesen dan permit sah untuk menjalankan aktiviti penjaja"
Norhayati

26-09-2018

tengah 73

HARIAN METRO

MPAJ 'borong' barang penjaja

■ Ikan, sayur milik warga asing dirampas

Hafidzul Hilmi Mohd Noor
hafidzul@nstp.com.my

Kuala Lumpur

Majlis Perbandaran Ampang Jaya (MPAJ) menyita barangan milik penjaja haram warga asing dalam serbuan di dua lokasi di Kampung Tasek Permai dan Klinik Kesihatan Ampang di sini, kelmarin.

Pegawai Perhubungan Awam MPAJ Norhayati Ahmad berkata, operasi dijalankan susulan aduan orang ramai berhubung kegiatan warga asing berkenaan.

"Operasi diketuai Penolong Pegawai Penguatkuasa, Rosli Jaafar dan 20 anggota merampas pelbagai barangan milik penjaja berkenaan.

"Antara barang dirampas adalah 26 kotak ikan, 11 bakul berisi sayur, 14 ekor ayam, dua tong, satu khemah kecil dan enam kerusi," katanya ketika dihubungi, di sini semalam.

Norhayati berkata, ketika serbuan dijalankan semua peniaga warga asing yang menjaja secara haram itu melarikan diri.

"Pemeriksaan mendapati semua peniaga berkenaan tidak mempunyai lesen dan permit sah untuk menjalankan aktiviti penjaja.

"Operasi tamat jam 12 tengah hari dan MPAJ tidak akan berkompromi dengan pihak yang melanggar peraturan," katanya.

Katanya, tindakan sita diambil mengikut Undang-Undang Kecil 3, Undang-Undang Kecil Penjaja (MPAJ) 2007.

"Tindakan berterusan akan dijalankan terhadap warga asing yang masih berdegil menjalankan perniagaan secara haram," katanya.



BEBERAPA bakul sayur milik penjaja haram dirampas anggota MPAJ.